

# *Kajitōk Kōmelim in Jab Kadedelok Madmōd ko ilo Bebe in Joñjoñ & Bōk Eddo eo an Washington: Yio in Jikuul 2020-21*

## **Melele ko maanlok & Wūn**

Ra in Jelālokjen eo an Amedka (U.S. Department of Education) ej lelok juon madmōd ñan an state ko lelok kajitōk in kōmelim in jab kadedelok jet mennin aikuj ko ñan madmōdin joñjoñ im bōk eddo ilo yio in jikuul 2020-21. Ilo aer lomnakin kapidodo jet mennin aikuj ko, Ra eo an Jelālokjen ejab bōke aoleben kajitōkin kōmelim ñan jab aikuj kadedelok ko. Beba eo ekoba enaan ko raurōk jen Objij eo an Ritel eo an Jikuul ko an Kien (Office of Superintendent of Public Instruction) ñan kajitōk kōmelim in jab kadedelok mennin aikuj ko an kien eo an federal.

Bebe in joñjoñ eo an rijikuul emōj lemaanlok ñan spring 2021 ej kōtōbar an lukkan kadiklok abañ in teej ko ñan rijikuul ro, baamle ko, jikuul ko, im bukon ko an jikuul ibelakin Washington ilo an bar kadedelok aikuj eo ñan ebōk joñjoñ ko rejjet im rej kwalok joñan tōbrakin katak ko an rijikuul.

## **Mōttan ko Raurōk ilo Kajitōk in Kōmelim Jab Kadedelok eo**

- Kim naj teeje jambool eo ej kwalok tarrin 50,000 rijikuul, im ejab lelok teej ñan aoleb rijikuul ro ekkā aer bōk kwōnaer (700,000 rijikuul). Joñjoñ ko renaj ilo joñan kilaaj lalem, kin juon katak ñan kajojo joñan kilaaj.
- Kim naj ripoote aoleben jemlok ko ibelakin state eo, im bareinwōt jejetin kumi in rijikuul ro.
- Juon joñjoñ ñan jelā kajin Belle renaj lelok ñan aoleb ro ilo state eo emōj kalikar rej katak kajin Belle.
- Jikuul ko emōj kalikar kiō ñan jibañ ko ikijen kōkmanmanlok iomwin Kakien eo ke Aoleb Rijikuul renaj Tōbrak (Every Student Succeeds Act, ESSA) renaj bed wōt ilo joñan eo ñan yio in jikuul 2021-22.

## **Melele ko relablok kin Kajitōk eo**

- Laajrakin kilaaj im kobban katak kein renaj joñjoñ:
  - Kilaaj 3 im 7: Riit im Jeje Kajin Belle (Smarter Balanced im Kakien eo an Washington Maron Lelok Katak im Joñjoñ (Washington Access to Instruction & Measurement, WA-AIM)
  - Kilaaj 5 im 10: math (Smarter Balanced im WA-AIM)



- Kilaaj 8: science (Likiō in Joñjoñ eo an Science ilo Washington, Washington Comprehensive Assessment of Science, (WCAS) im WA-AIM)
- Joñjoñ eo an Smarter Balanced (Katak Riit im Jeje Kajin Belle, English Language Arts, ELA & Math) ej tarrin 2/3 äitökin ien lelok eo ekkā
- Aoleb rijikuul im jikuul ko renaj maron töbrak in koba ilo jaambol eo, ekoba rijikuul ro ewōr aer utamwe im ro rej katak kajin Belle.
- Iloan kajojo kilaaj, tarrin 12% in jikuul ko renaj jabdetakwōt aer kelet bwe ren bed ilo jaambol eo.
- Aoleb joñjoñ ko renaj dedelok ilo an rijikuul ro jede lok (rebañ lelok ilo aer bed ettolok).

## Jibañ ko ilo Kōtōbar eo an Washington

- Joñjoñ ko emōj kadiklok an state ej kōmelim an bukon ko kaurōk ien lelok katak im joñjoñ ko ilolan kilaaj ñan joñe töbrak ko an rijikuul.
- Enaj lablok aer lale joñjoñ ko bukon eo ej lali, kinke renaj lelok melele ñan bebe ko ñan jibañ im kōlablok joñan katak ko an rijikuul.
- Lelok joñan töbrak ko rejjet an rijikuul ibelakin state eo, im bareinwōt oktak ko ilo töbrak ko jen mokta im ālikin jorren eo elab im ear jelōte aoleben lal in.

## Wāween Madmōdin Jaambol eo

OSPI ear kobalok ibben University eo an Washington ñan kōmmāne juon bebe in jaambol laajrak eo ej kakobaba ruo ien ko ñan kwalok rijikuul ro ilo jikuul ko an kien ilo Washington. Jaambol eo enaj kwalok kajojo kumi in rijikuul ro emōj ripoot kaki ekkar ñan Bebe eo ilo Kakien eo ikijen an Aoleb Rijikuul Töbrak (ESSA).

Bebe in jaambol eo ñan kajojo joñan ko ilo kilaaj lalem ekoba kalikar bukon ko kin bukon in jikuul eo aer (educational service district, ESD), innem jabdetakwōt an jaambol 50% in bukon ko ilo kajojo ESD (ien 1). Ñan bukon ko emōj kelet, 25% in jikuul ko renaj jabdetakwō aer kelet ñan bōk kwōnaer (ien 2) Aoleb rijikuul ro ilo joñan kilaaj eo ilo jikuul ko emōj kelet renaj joñe kin juon teej in jejetin katak ekkar ñan kilaaj eo aer.

## Laajrakin len eo ñan Lelok Enaan im Kōmelim in Jab Aikuj Kadedelok jen Armij ro ilo Jikin eo

Ebellok an armij ro ilo jikin eo lelok enaan jen Maaj 16-22, 2021. Enaan ko rej aikuj etal ilo [waanjoñok jen enaan ko an armij ro ilo jikin eo ñan Joñjoñ Kōmelim in Jab Aikuj an 2021](#), mokta jen 5 awa jota ilo Maaj 22, 2021.

Enaan ko renaj kobalok ñan kajitōk in kōmelim ñan jab aikuj kadedelok im enaj etal ñan Ra eo an Jelälökjen an Amedka ilo Maaj 23, 2021.

## len Joñjoñ ko

len Joñjoñ eo an Smarter Balanced enaj Ebrol 5 ñan Juun 11, WCAS enaj ilo Ebrol 12 ñan Juun 11, im WA-AIM ebellok mae Ebrol 30.

## Kajitök ko?

Jouj im jilkinlok kajitök ko kin kajitök in kömelim in jab kadedelok eo an Washington ñan [assessmentwaivercomments@k12.wa.us](mailto:assessmentwaivercomments@k12.wa.us).